

宋·楊仲良 編

續資治通鑑長編

紀事本末

卷一百一十一

北京圖書館出版社



宋 楊仲良 編

續資治通鑑長編

第五冊

紀事本末

北京圖書館出版社

第五册目錄

卷七十	役法	二二七
卷七十一	保甲	二三〇九
卷七十二	市易務 免行附	二三三九
卷七十三	方田	二三六九
	手實	二三七三
	義倉	二三七八
	農田	二三八一
	淤田	二三八一
	水利	二三九四
	種桑	二三九八

卷七十四	修經義	二四〇一
	置武學	二四一一
	教陣法	二四一八
卷七十五	馬政	二四三三
	軍器監	二四五〇
	試刑法 置律學等附	二四五八
	論肉刑	二四六七
	增吏祿	二四七一
卷七十六	薛向等措置陝西折二錢	二四七七
	薛向等措置陝西鹽鈔	二四八七
	蹇周輔措置江南鹽	二四九二
	周尹等措置蜀鹽	二四九五
	李稷等措置蜀茶	二四九六
	周直孫措置在京酒麴	二五〇五
卷七十七	州縣廢復	二五〇九

澹汴河導洛附	二五二七
塞曹村河	二五三五
卷七十八	二五三九
詳定郊廟禮文上	
卷七十九	二五七三
詳定郊廟禮文下 禮部等議附見	
卷八十	二六〇五
定樂器	
定朝會儀注	二六一三
改官制	二六一七
卷八十一	二六四五
修兩朝國史	
奉太皇太后 二王附	二六五一
聖德	二六五九
政迹	二六六九
卷八十二	二六七五
審官西院	
大理寺獄	二六七八
孔子廟庭配饗	二六八一

景靈宮繪像	二六八五
修太乙宮	二六九〇
卷八十三	二六九五
种諤城綏州	
築甘谷城	二七二四
卷八十四	二七二九
韓絳經略西事	
卷八十五	二七三九
取洮河蘭會上	
卷八十六	二七六五
取洮河蘭會下	
卷八十七	二七七九
討交趾	
卷八十八	二八〇七
討梅山蠻	
平清井蠻	二八一五
討茂州蠻	二八二二
討廬州蠻	二八二五
卷八十九	二八三一

徐禧永樂之敗

討安化蠻……………二八四一

撫遇蕃戶董種……………二八四八

通使高麗……………二八五四

皇宋通鑑長編紀事本末卷第七十

神宗皇帝

役法

治平四年六月辛未詔曰農天下之本也祖宗以來務加
惠養比下寬卹之令賜蠲復之恩然而歷年于茲未極富
盛間因水旱頗致流離深惟其故殆州縣差役仍重勞逸
不均喜為浮冗之名不急之務以奪其時而害其財故也
愁痛亡聊之轂上千和氣深可傷憫其令逐路轉運使遍
牒轄下州軍如官吏有知差役利害可以寬減者實封條
析以聞先是三司使韓絳言害農之弊無甚差役之法重
者衙前多致破產次則州役亦須重費夫田產人恃以為

生令竭力營為稍致豐足而役已及之欲望農人之加多
曠土之加闢豈可得乎向聞京東有父子二丁將為衙前
役者其父告其子云吾當求死使汝曹免凍餒也遂自經
死又聞江南有嫁其祖母及與母析居以避役者此大逆
人理所不忍聞又有鬻田產於官戶者田歸不役之家而
役併增于本等戶其餘戕賊農民未易遽數欲望以臣所
陳下哀痛之詔令中外臣庶悉具差役利害以聞委侍從
臺省官集議考驗古制裁定其當使力役無偏重之害則
農民知為生之利有樂業之心矣役法之議始乎此 七
月戊寅詔中外臣庶限一月條陳差役利害實封以聞
己丑龍圖閣直學士趙抃天章閣待制陳薦同詳定中外

臣庶所言差役利害 熙寧元年五月庚辰同知諫院吳
充言陛下念及方今本務未舉農政不修今臣條上其事
臣以當今鄉役之中衙前為重上等民戶被差之日官吏
臨門籍記桮杵匕筯皆計資產定為分數以應須求勢同
漏卮不盡不止至有家貲已竭而逋負未除子孫既沒而
隣保猶遠是以民間規影重役土地不敢多耕而避戶等
骨肉不敢義聚而憚人丁甚者嫁母離親以求兄弟異籍
風俗日壞殊可憫傷望勅中書擇臣庶之言鄉役利害以
時施行及以先朝陳靖所上農書并臣所上農政五事並
下兩制詳定以聞詔令送中書 二年三月戊寅上諭大
臣曰近閱內藏庫奏外州有遣衙前一人專納金七錢者

因言衙前傷農令制五三司條例司講求利害立法 三
年八月上批近令司農寺專主天下常平廣惠倉農田水
利差役事 九月乙未太子中允崇政殿說書曾布同判
司農寺尋奏改助役為免役呂惠卿大恨之 是日司馬
光知永興軍辭上諭光曰本路民間利害當以聞光曰謹
奉詔光言青苗助役為陝西之患上曰助役惟行京東西
浙耳雇人充役越州已行矣 四年三月戊子上已假上
召二府對資政殿出陝西轉運使司奏慶州軍亂示之上
深以用兵為憂文彥博曰朝廷施為務合人心以靜重為
先凡事當兼采衆論不宜有所偏陛下即位以來厲精求
治而人情未安益更張之過也祖宗以來法制未必皆不

可行但有廢墜不舉之處耳馮京曰府界旣淤田又修差役行保甲人極勞弊上曰淤田於百姓有何患若比令內臣拔麥苗觀其如何乃取得淤田上視之如細麵然見一寺僧言舊有田不可種去歲以淤田故遂得麥兼詢訪隣近百姓亦皆以免役為喜蓋雖令出錢而復其身役無追呼刑責之虞人自情願故也彥博曰保甲用五家為保猶之可也今乃五百家為大一保則其勞擾可知彥博又言祖宗法制具在不須更張以失人心上曰更張法制于士大夫誠多不悅然於百姓何所不便彥博曰為與士大夫治天下非與百姓治天下也安石曰法制具在則財用宜足中國宜疆今皆不然未可謂之法制具在也彥博曰務

要人推行耳安石曰若務要人推行則須搜舉材者而糾罷軟偷惰不奉法令之人除去之如此則人心豈能無不悅人四月先是夔州轉運使孫構張詵言杜安行等平夷賊斥地七百里獲鎧甲器仗三百糧六百餘石見安集夷戶佃時起輸租賦詔遣著作佐郎章惇乘驛同轉運司制置以聞惇言經制渝州疆土難遍歷諸州欲止以渝州役事立定條約權行于一路上批諸州役事不同難止用一法丁巳罷章惇相度夔州路差役戊午京西提舉常平等事陳知儉請先罷許州衙前管勾公使庫以軍負主之月給食錢三千從之初諸州差衙前管勾公使多所陪費有破壞家產者及是遂更用軍負代之其後遍及諸路

悉用此法人以為便 五月乙未御史中丞楊繪言非不知助役之法乃陛下閔差役之不均欲使平一然聞幹其任者惟務斂之多而行之峻至天下不盡曉朝廷之意將以為率其剩者而官取之此不可以不言也 戊戌東明縣民以縣科助役錢不當相率遮宰相自言凡數百家王安石既說論令退遂白上曰知東明縣賈藩者范仲淹女婿好附流俗非上所建立殆不可用上以為然因令究東明事 庚子司農寺及開封府界提舉常平司奏有畿內百姓未知新法之意見逐鄉大户言等第出助役錢多願依舊充役詔司農寺令諸縣曉諭如有不願納錢之人除從來不當役年月令依條認本年役候年月至則赴官充

役更不令納役錢又奏乞差府界提點司官分詣縣同造五等簿陞降民戶如敢將四等以下戶升于三等致人披訴其當職官吏並從違制論不以赦降原免從之上疑初官戶取助役錢少安石至是白上曰官戶坊郭役錢誠不多然度時之宜止可如此故紛紛者少不然則在官者須作意壞法造為議論坊郭等第戶須糾合眾人打鼓截駕遮執政恐陛下未能不為之動心上又言曹司都不與祿反責其受賦廢事甚無謂安石曰本取助役錢有剩者將以祿此輩上曰以見役錢便可早定法制使知凡今致紛紛亦多此輩扇惑安石曰早定誠然畏此輩扇惑非也當令此輩不敢扇惑而已人主若不能益天下則不能勝天

下反為天下役為天下役則亂矣。楊繪言比者畿邑之民來訴助役之不便陛下需發指揮令取問民之便願與不願而兩行之中書門下已作劄子坐聖旨頒下而司農寺繳還遂從其請臣竊謂助役之法果非便乎則一二年中自將改之也假使十分而不願者一分焉則一分之少固不能害九分之多而一分不願者亦自有役以差之亦必無放者但形勢官戶女子單丁素無役者令出役錢則已行之矣司農寺繳還聖旨劄子豈得無罪乎不報又言東明等縣百姓千百人詣開封府訴超升等第出助役錢事本府不受百姓既無所訴遂突入王安石私第安石諭云此事相府不知當與指揮不令升等仍問汝等來知縣

知否皆言不知又詣御史臺臣以本臺無例收接訴狀諭令散退而訪問乃司農寺不依諸縣元定戶等却以見管戶口等第均定出役錢數付諸縣各令管認升降戶等別造簿籍前農務而畢臣竊謂凡等第升降蓋視人家產高下須憑本縣本縣須憑戶長里正戶長里正須憑隣里蓋自下而上乃得其實今乃自司農寺先畫數令本縣依數定簿豈得民無爭訴哉措置民事必自州及縣豈有文移州府不知之理此乃司農寺自知所行于理未安故不報府直下縣欲其畏威不畏異議若闕京尹或致爭執所以不顧事體如此今判司農寺乃鄧綰曾布一為知雜一為都檢正非臣言之誰敢言者王安石指陳繪言為不然上

諾之 丙午王安石呈役錢文字上以為民供稅斂已重坊郭及坊戶等不須減稅戶升等第更與稍裁之無害安石曰今取於稅戶固已不使過多更過當減但為厭人言即無當於義理陛下以為稅斂甚重以臣所見今稅斂不為重但兼并侵牟多耳此荀悅所謂公家之惠優於三代豪強之暴酷於亡秦上曰此兼并所以宜摧安石曰催兼并惟古大有為之君能之所謂兼并者皆豪傑有力之人其議論足以動士大夫者也今制法但一切因人情所便未足操制兼并則恐陛下未能勝衆人紛紛也如兩浙助役事未能大困兼并然陛下已不能無惑矣上曰如常平法亦所以制兼并安石曰此與治道極為毫末豈能遽均

天下之財使百姓無貧 六月楊繪又言助役之法難行之說亦有五民難得錢一也近之州軍奸細難防二也逐處田稅多少不同三也耆長雇人則盜賊難止四也專典雇人則失陷官物五也乞先議防此五害然後著為定制本志但云繪言助役之難有五摯言役法之害有十請一切罷之餘並不書

七月檢正中書五房公事同判司農寺曾布言言事官屢以近日所議差役新法不便臣丞司農之乏而又脩官屬于中書凡御史之言預自考其所陳皆失利害之實非今日所以更張之意臣請一一而陳之畿內上等入戶盡罷昔人衙前之役故今之所輸錢其費十減四五中等入戶